

四庫全書

經部

欽定四庫全書

詩補傳卷十

宋 范處義 撰

國風

唐

周成王封母弟叔虞於堯之故墟曰唐侯南有晉水  
至子燮改為晉侯曾孫成侯又南徙曲沃穆侯以後  
又徙於絳昭侯以下又徙於翼在平陽東及武公復  
都絳堯當九年洪水之災下民其咨萬國不粒故身

居茅茨土階之宮飯土簋歃土鉶聖人之儉蓋以濟  
時之不及非苟然也至其所以治天下者典謨所載  
備矣曷嘗不中禮哉晉在堯所居遺風猶存其君子  
則深思其小人則儉嗇猶為善俗也而為之君者亦  
復鄙吝拘迫不及遠慮故詩人閔之而變風作焉謂  
當周共和之時其君則僖侯也

蟋

蟋下

蟀

蟀所律

刺晉僖公也儉不中

丁禮

故作是詩以

仲

也此晉也而謂之唐

閔之欲其及時以禮自虞樂

洛下

也此晉也而謂之唐

同

也此晉也而謂之唐

也此晉也而謂之唐

也此晉也而謂之唐

本其風俗憂深思遠儉而用禮乃有堯之遺風焉

晉之為晉久矣而詩猶謂之唐蓋具二美焉一則以堯之遺澤在人心者萬世如一日故存唐之名示不忘堯也二則以見聖人之思古故凡有古之名號存於世者不輕變易也蟋蟀之詩蓋閔僖公居國君之位廢國君之禮既過乎儉不適於中徒為自苦不能有益苟能深長思之亦當為國以禮而堯之遺風不墜矣

蟋蟀在堂歲聿

允橘

其莫

暮

今我不樂日月其除

直慮

無已

大康職思其居

據

好

呼報下同

樂無荒良士瞿瞿

俱具

蟋蟀在

堂歲聿其逝今我不樂日月其邁無已大康職思其外

好樂無荒良士蹶蹶

俱衛

蟋蟀在堂役車其休今我不樂

日月其慆

吐刀

無已大康職思其憂好樂無荒良士休休

蟋蟀蛰也十月蟋蟀始入床下在堂則十月以後也

十月以後則歲遂莫而且逝役車且休矣除去也邁

遠也慆過也為國君者當此之時尚不能自虞樂則

日月之去且遠且過矣言不可緩也詩人既欲其君  
之自虞樂又慮其樂而忘反則過猶不及故又戒以  
康樂不可大甚職思謂思其職也其居謂思其所居  
之位也其外謂思其患生於意外也其憂謂思其憂  
生於所樂也好樂無荒深戒其樂不可極也良士謂  
善士似指在朝之臣而言謂當人君虞樂之時在位  
之善士苟能瞿瞿然却顧蹶蹶然動而敏於事則可  
以休休然安逸而無患矣玩味一篇之旨真所謂憂

深而思遠也是詩三章皆賦也

山有樞

烏侯下同

刺晉昭公也不能脩道以正其國有財不

能用有鐘鼓不能以自樂有朝廷不能洒

所懈婦報

政荒

民散將以危亡四鄰謀取其國家而不知國人作詩以刺之也

晉儉陋之弊至昭公極矣在僖公之時詩人固已憂之然未若此詩尤為迫切也序詩者推言其弊之由起謂不能脩道以正其國也政者正也道者政之本

也本之不脩則無其政何以正其國故有財則不能  
用有鐘鼓則不能自樂有朝廷則不能洒埽此之謂  
政荒國政既荒則民散而之四方危亡將至故為四  
鄰所窺而昭公猶不悟是誠可刺也

山有樞隰有榆子有衣裳弗曳弗婁

力俱

子有車馬弗馳

弗驅宛其死矣他人是愉

以朱

樞刺榆也榆之白者為粉皆榆類也特生有山隰之  
異爾曳者曳而行也婁者弊壞也謂曳而至於壞也



南楚凡人貧衣破謂之褸裂古人用字多從省故省  
衣作婁如要之褸之當作衣旁要之類是也走馬謂  
之馳策馬謂之驅詩人謂山則有樞隰則有榆皆可  
用也而昭公有衣裳不能曳婁有車馬不能馳驅一  
旦宛然而死他人當取之為愉樂也

山有栲

考

隰有杻

女

子有廷內弗洒弗埽子有鐘鼓弗

鼓弗考宛其死矣他人是保

栲山栲也杻櫬也可為弓材以水曰洒以帚曰埽動

之曰鼓擊之曰考他人是保謂保而有之也

山有漆

七

隰有栗子有酒食何不日鼓瑟且以喜樂且

以永日宛其死矣他人入室

漆可以造器用栗可以為籩實君子無故不去琴瑟  
憂勤則闕日似短逸樂則引日似長他人入室謂入  
而居之也三章之意皆同惟他人是保切於他人是  
愉他人入室切於他人是保詩人之言申復如此愛  
君之意有加也是詩三章皆比而賦之也

揚之水刺晉昭公也昭公分國以封沃

烏毒下同

沃盛彊昭

公微弱國人將叛而歸沃焉

穆公之子成師昭公之叔父也昭公以沃之大邑封成師已無遠慮且不知人矣而詩人刺之欲其早為之所與祭仲諫鄭莊公封叔段於京之事類也莊公之失在小不忍昭公之失在弱而寡謀外則鄰國窺之而不能悟內則國人將叛而不之察序詩者謂之微弱信乎其為微弱也

揚之水白石鑿鑿

子洛

素衣朱襮

博

從子于沃既見君子

云何不樂

洛

揚之水白石皓皓

古

素衣朱繡從子于鵠

既見君子云何其憂揚之水白石粼粼我聞有命不敢  
以告人

浮揚之水淺緩無力以喻昭公之微弱白石堅頑之  
物以喻沃之盛彊水既淺緩則堅頑之石鑿鑿然鮮  
明皓皓然潔白而水粼粼流於石間以喻沃盛彊之  
迹已著見如石而昭公之微弱如水流石間也黼領

謂之褻繡謂繡刺以為黼郊特牲云繡黼丹朱中衣  
大夫之僭禮也桓叔在沃服素衣繡黼之褻是僭諸  
侯之服也鵠亦曲沃邑名在邑而服侯服國人宜惡  
之乃反以為美皆欲從之以為可以樂而無憂則桓  
叔之所為必有以要民譽而收衆情故國人聞桓叔  
叛逆之命不敢以語人恐其或致人言以害其成也  
此皆將叛之辭是詩三章皆比而賦之也

叔聊刺晉昭公也君子見沃之盛彊能脩其政知其蕃

同 煩下

衍盛大子孫將有晉國焉

以春秋左氏傳考之昭公封成師於曲沃乃魯惠公  
之二十四年至魯莊公十六年曲沃伯為晉侯蓋幾  
七十年詩人於昭公之世已知沃之子孫將有晉國  
非君子知微知彰不能為此言也沃之脩其政多歷  
年所中間屢有篡奪之禍而昭公以來略不知所為  
備至於失國而後已此可以為永鑒也

椒聊之實蕃衍盈升彼其

同 記下

之子碩大無朋椒聊且

子餘下同

遠條且椒聊之實蕃衍盈匊

九六

彼其之子碩大且

篤椒聊且遠條且

椒之為物其實易蕃聊之為言略也謂略言之可以

盈升盈匊也古者升上徑一寸下徑六分其深八分

兩手曰匊則匊大於升矣之子謂桓叔也碩大無朋

謂無與比也碩大且篤謂篤於政也椒聊且且語助

也謂此特略言椒耳若論其條之遠則蕃衍不啻升

匊也詩人申複歎其盛大昭公獨不知慮之何邪是

詩二章皆比而賦之也

綢

直留  
下同

繆  
亡侯

刺晉亂也國亂則昏姻不得其時焉

國亂則征役無時賦斂無節民既不得安居且乏貨財不能備禮此昏姻所以失時也綢繆之詩蓋述當時怨曠之人思不期而會與野有蔓草之詩意同

綢繆束薪三星在天今夕何夕見此良人子兮子兮如

此良人何綢繆束芻三星在隅今夕何夕見此邂逅

戶  
懈

胡豆子兮子兮如此邂逅何綢繆束楚三星在戶今夕何



夕見此槩者子兮子兮如此槩者何

采薪者必綢繆整束乃能不散芻楚亦然猶昏姻合  
二姓必有禮以綢繆之三星參也在天謂始見十月  
也在隅謂在東南隅十一月十二月也在戶謂直戶  
正月也束薪既喻昏姻三星則記昏姻之時自十月  
至正月皆可以行禮過此則失時矣詩人原其失時  
之由謂因無禮以綢繆故先取束薪而次言三星也  
今夕何夕見此良人見此邂逅見此槩者女語其夫

以為良人男語其妻以為粲者邂逅則不期而會詩  
人互言之以見一時怨曠之男女多不以禮而苟合  
故歎之曰子兮子兮如此良人何如此邂逅何如此  
粲者何傷無以救其亂也秦風曰厭厭良人國語曰  
女三為粲是詩三章皆比而賦之也

扶徒細下同杜刺時也君不能親其宗族骨肉離散獨居而

無兄弟將為沃所并必政爾

曲沃之為晉禍六七十年間篡逆者四五則其寡助

也至矣孟子曰寡助之至親戚畔之晉為曲沃所并寡助之驗也故詩人原其故謂由人君不親宗族骨肉離散全無兄弟手足之助此其所以亡也

有扶之杜其葉湑湑

私叙

獨行踽踽

俱禹

豈無他人不如我

同父嗟行之人胡不比

毗志下同

焉人無兄弟胡不飲

七利下同

焉有扶之杜其葉菁菁

子零

獨行眾眾

求營

豈無他人不如

我同姓嗟行之人胡不比焉人無兄弟胡不飲焉

扶特生貌杜赤棠也杜雖特生猶有葉湑湑然潤澤

菁菁然茂盛以自蔽公族公室之枝葉也君乃不能  
親之至獨行踽踽無所親眾眾無所依可謂孤立矣  
故詩人曉之曰豈無他人可用莫若同父同姓者譬  
之身之骨肉相資以生本之天性非他人可比因歎  
彼行路之人何為不相親比謂非骨肉人各有心故  
也人之無兄弟者何為他無扶助謂非骨肉各親其  
親故也詩人申言之責之深愛之至也序曰刺時則  
非昭公一君為然是詩二章皆比而賦之也

羔裘刺時也晉人刺其在位不恤其民也

晉之諸臣尸位素餐不聞以民事言於上者故羔裘刺之終篇皆責以不恤民之言作是詩者蓋與在位之人有舊好是以原其為民設官之意告之冀其必聽也

羔裘豹祛起居自我人居居豈無他人維子之故羔裘豹

裘徐救自我人究究豈無他人維子之好乎報

羔裘君臣所同服也祛袂也裘飾也玉藻曰君衣狐

白裘謂人君純用狐而不加飾也又曰君子狐青裘  
豹褱謂大夫士以豹飾其袂也羔裘以視朝狐裘以  
燕居狐裘猶飾以豹則羔裘可知也詩人指在位之  
臣謂國家設卿士大夫之位豈徒然哉蓋以為民也  
在是位而服是服當自我人而安之自我人而察之  
則足以稱其服矣居之為言安也謂安其生業也究  
之為言察也謂察其疾苦也安其生業察其疾苦皆  
恤民之事也居居則安之又安也究究則察之又察

也凡詩人重言皆不已之意也作詩者既與在位之人有舊好故申複告之曰我不以恤民之事語他人獨以語子者謂與子故舊且相好是以不嫌於彊聒也子其可忽吾言而不聽哉是詩二章皆賦也

鵠

保下同

羽刺時也昭公之後大亂五世君子下從征役

不得養

羊亮

其父母而作是詩也

晉五世之亂自昭公至武公數十年始定謂潘父弑昭公晉人立其子孝侯一世也莊伯伐翼殺孝侯晉

人立其弟鄂侯二世也莊伯伐翼鄂侯奔隨王命虢  
公立其子哀侯三世也武公伐翼逐哀侯晉人立其  
子小子侯四世也武公殺小子侯王命虢仲立哀侯  
之弟緡武公又殺之五世也亂之久也如是則君子  
亦不免下從征役不得孝養厥父母此鵠羽所以刺  
時也

肅肅鵠羽集于苞栩

況禹

王事靡盬

古下同

不能藝

魚世

稷

黍父母何怙

戶

悠悠蒼天曷其有所肅肅鵠翼集于苞



棘王事靡盬不能藝黍稷父母何食悠悠蒼天曷其有

極肅肅鴉行

戶郎

集于苞桑王事靡盬不能藝稻粱父母

何嘗悠悠蒼天曷其有常

鴉連蹄性不木止今集于木不得其所矣羽也翼也  
行也舉鴉之同類以喻衆君子也相杼也棘也桑也  
皆以苞言謂雖叢生非鴉之所宜處喻君子不當從  
征役也說者謂煮海為鹽煮池為鹽鹽苦而易敗故  
取以為言孔氏謂盬與蠱字異義同蠱害器敗穀皆

曰蠱二義皆謂廢敗也王事靡盬謂王事不可廢敗  
故君子不得藝黍稷稻粱父母何恃而得食人窮則  
反本於是呼天而告之曰何時得其所乎何時止此  
役乎何時反其常乎語意雖切不敢怨其上詩人之  
忠厚也是詩三章皆比而賦之也

無衣美晉武公也武公始并

政

晉國其大夫為

于偽

之請

命乎天子之使

吏所

而作是詩也

晉武公以兵力并宗國其罪著矣又因天子之使而

請命此何禮哉詩人美之聖人存之蓋猶賢乎已耳  
昔者陳司敗問昭公孔子對之曰知禮人皆謂昭公  
實不知禮孔子不欲言君父之失而歸過於己以為  
聖人之謙厚竊謂未盡聖人之意蓋取同姓為非禮  
固也諱之謂之吳孟子猶有畏禮之心焉能充是心  
將至於不犯非禮雖謂之知禮可也然孔子於此儻  
不受其過則後世不復以取同姓為非矣故聖人引  
咎之一言在當時不失為謙厚而愛禮之意使萬世

之下知禮之不可廢聖人豈苟言哉刪詩存無衣之篇亦此意也

豈曰無衣七兮不如子之衣安且吉兮豈曰無衣六兮不如子之衣安且燠兮

侯伯七命衣服以七為節降殺以兩諸侯之服無所為六者說者謂變七言六謙也謂不敢必求侯伯七命之服得受六命之服列乎天子之卿猶愈乎否然天子之卿六命出封則加一等衣服亦如之此諸侯

衣服無以六為節之證也意者詩人一時吟詠必協音韻不暇深考禮制既喜其能請命乎天子謂他人雖有衣服不如武公之衣服以七為節者既安而且吉固足為美就使降一等以六為節亦安而且煥不以為歉也尊王之意出於人心者如此聖人安得不存之是詩二章皆賦也

有扶之杜刺晉武公也武公寡特兼其宗族而不求賢以自輔焉

武公兼并宗國屢相殘賊宗族誰敢相親者可謂寡  
特矣偃然自以為能不知求賢者為輔翼是誠可刺  
謂其不能親親故不能用賢也

有扶之杜生于道左彼君子兮噬肯適我中心好

呼報下同

之曷飲

於鵠下同食

嗣下

之有扶之杜生于道周彼君子兮

噬肯來遊中心好之曷飲食之

扶特生貌杜赤棠也子澁而酢道左謂道之側也道  
周謂道之曲也杜雖味不美以其近乎人往來之地

故猶有君子取而食之噬食也因欲食杜遂肯適我  
而來遊以喻武公既寡特如杜不能如杜生於近人  
之地謂不親賢也不能如杜有實之粗可食謂無其  
禮也果能親賢以自近有待賢之微禮亦必有賢者  
肯來食其祿而為之助矣今不能然是心不好賢也  
苟中心好之何不為飲食之禮以待賢者乎詩人刺  
武公曾杜之不若也是詩二章皆比而賦之也

葛生刺晉獻公也好攻戰則國人多喪

息矣

以春秋左氏傳考之魯莊公二十八年晉伐驪戎閔  
公元年晉侯滅耿滅魏二年晉伐東山臯落氏僖公  
二年晉師滅下陽五年晉侯圍上陽滅虢執虞公八  
年晉里克敗狄于采桑此好攻戰之實也國人多喪  
非死亡也謂遭亂離夫婦相失詩人之辭可見也

葛生蒙楚藪

康下同

蔓于野予美亡此誰與獨處葛生蒙

棘藪蔓于域予美亡此誰與獨息

葛之生蒙於木藪之生蔓于地以喻夫婦相依以生



今予之所美者既亡失矣誰與我同處獨處而已誰與我同息獨息而已

角枕粲兮錦衾爛兮予美亡此誰與獨旦夏之日冬之夜百歲之後歸于其居冬之夜夏之日百歲之後歸于其室

角枕之粲然錦衾之爛然追思前日夫婦相得之樂今既亡矣誰與我同此衾枕獨不寐以達旦耳日之長莫若夏夜之長莫若冬憂思之人於晝夜之長時

尤不能堪故反覆言之於是誓之曰生不可復合猶冀於死後來歸于我之居室庶幾不負同穴之志也是詩五章前二章比而賦之後三章賦也

采苓

力丁下同

刺晉獻公也獻公好聽讒焉

晉獻公好聽讒惟驪姬之事為最著由詩人之言考之正指其事也

采苓采苓首陽之巔人之為言苟亦無信舍旃舍旃

然之

下同

苟亦無然人之為言胡得焉采苦采苦首陽之下人

之為言苟亦無與舍旃舍旃苟亦無然人之為言胡得  
焉采葑采葑首陽之東人之為言苟亦無從舍旃舍旃  
苟亦無然人之為言胡得焉

苓大苦即甘草也苦苦菜也葑須菜也以喻讒人之  
言首陽山名之巔山上也之下山下也之東山陽也  
皆顯明之地凡譖人者懼君之不見聽反受其禍必  
於幽闇之地徐進其說今獻公既好聽矣故讒人不  
復懼乃於顯明之地公然言之苓之味美苦之味惡

葑之味上美而下惡蓋善為讒者始以甘言投之以  
譬則苓也繼以苦言動之以譬則苦也終則甘苦之  
言並進以譬則葑也讒言如此則不聽者鮮矣況好  
聽者乎采苓采苦采葑皆重言之亦以見讒人之言  
不一而足也案國語驪姬始請申生處曲沃重耳處  
蒲城夷吾處屈奚齊處絳以儆無辱此以甘言投之  
也繼以夜半而泣曰申生甚好仁而彊甚寬惠而慈  
謂君惑於我必亂國無乃行彊於君盍殺我無以一

妾亂百姓此以苦言動之也終則曰若紂有良子而先喪紂無章其惡而厚其敗鉤之死也無必假手於武王君盍老而授之政而行其欲乃其釋君此甘苦之言並進也申生亦謂狐突曰言之大甘其中必苦譖在中矣君故生心獻公果殺申生逐羣公子詩人之言信如蓍龜不可忽也三章申言人之言不可苟信不可苟與不可苟從固當舍之然亦不可苟不然其言而但已當察其言胡為而得則讒者當知懼矣

詩人刺其好而戒其審庶幾其悟也是詩三章皆比而賦之也

詩補傳卷十

欽定四庫全書

詩補傳卷十一

宋 范處義 撰

國風

秦

季札觀樂詩之次第秦處魏唐之上聖人刪詩以秦次唐豈無其說意者秦為隴西之國與戎雜處既不用周禮至以人從死夫不用周禮是不能用夏變夷以人從死是變於夷者也顧乃盛甲兵好攻戰蓋有



吞并諸侯之漸聖人見微知著降其次而示貶有合  
於春秋中國用夷則夷之意况秦乃伯翳之後伯  
翳實皋陶之子佐禹治水賜姓曰嬴周孝王使其裔  
孫非子養馬於汧渭封為附庸邑之秦谷至曾孫秦  
仲宣王始命為大夫變風遂作其不足以處魏唐之  
上明矣秦仲之孫襄公當平王之初興兵討西戎以  
救周平王東遷乃以岐豐之地賜之列為諸侯遂有  
宗周畿內八百里之地其封域在荆岐終南之野至

德公又徙於雍其民厚質尚氣槩先勇力蓋其土俗然也

車鄰美秦仲也秦仲始大有車馬禮樂侍御之好焉秦仲未為諸侯謂之始大蓋視其先為大耳車馬禮樂侍御皆昔所未有故國人創見而美之

有車鄰鄰有馬白顛未見君子寺人之令

力呈

阪有漆隰

有粟既見君子並坐鼓瑟今者不樂

洛下同

逝者其耄

田節

阪有桑隰有楊既見君子並坐鼓簧今者不樂逝者其

七

鄰鄰衆車之聲言車之多也白顛馬之顛言馬之良也寺人內小臣言使令之不乏也漆可以為飾粟可以為食桑可以為衣楊可以為宮室器械言禮之材用甚備也瑟者常御之樂簧者笙之屬言樂之絲竹不闕也國人始見車馬之盛既已喜之故欲往觀焉猶未得見其君也見其侍御之人使令之衆則又喜之於是相與言曰車馬如此禮樂如此侍御如此

及今不能為樂過此以往則老且死矣蓋喜之之甚  
欲其君及時自虞樂也是詩三章皆賦也

四鐵

田結  
下同

美襄公也始命有田狩之事園囿之樂

洛  
焉

平王始命襄公為諸侯國之初政未有聞焉遽為田  
狩之事園囿之樂若可刺矣而詩人美之聖人存而  
不削何哉蓋秦并西戎以馳逐射獵為俗夫馳逐射  
獵者乃攻戰爭奪之習也平王喜其一時之功遽命  
之自取周地襄公果能以田狩園囿之事投國人之

所好而用其人卒之成富彊而傾周者秦人也聖人存之亦以譏周室不能慮其始而遂命之耳

四鐵孔阜六轡在手公之媚

眉驥

子從公于狩奉時辰牡

辰牡孔碩公曰左之舍

捨拔

蒲末

則獲遊于北園四馬既

閑輶

由

車驚鑣

彼驕

載獫

力驗

歇驕

許喬

四鐵孔阜者謂四馬皆鐵驪純色而且大也六轡在

手者謂二轡納於轡而在手者六轡也馬既良壯不

勞轡策而親媚之人又相從出狩為之左右此言御

之善也奉時辰壯者虞人翼此時節所宜之壯獸以待公之射也辰壯孔碩謂所翼之獸皆甚肥碩也公曰左之舍拔則獲謂左右惟公所命舍矢則獲獸也拔矢末也鏃為首故拔為末此言射之精也遊於北園四馬既閑輜車鸞鑣載獫狁驕者謂田狩既畢因而遨遊於此北園馬既閑習車又輕利鸞宜在衡今乃置鸞於鑣犬宜在地今乃載犬於車皆田獵之餘也爾雅釋獸謂犬長喙曰獫短喙曰獨獠今田犬長

喙誠然短喙非田犬也意爾雅因毛氏之說故改歇  
驕皆從犬以合之改字何所不可要之不若謂犬性  
驕逸以車載之所以歇其驕逸也韓愈畫記有擁田  
犬者說者取之謂以車載犬蓋以休其足力則歇驕  
不得為短喙矣是詩三章皆賦也

小戎美襄公也備其兵甲以討西戎西戎方疆而征伐  
不休國人則矜其車甲婦人能閔其君子焉

秦襄公備兵甲以討西戎征伐不休幾於黷武矣國

人宜厭之否則譏之今乃矜其車甲婦人雖閱其君子亦無嗟怨之辭詩人且以為美何哉案史記周厲王時西戎叛滅犬丘大駱之族大駱者乃秦祖非子之所自出也至宣王命秦仲為大夫誅西戎又為西戎所殺宣王嘗命秦仲之子莊公破之矣已而復熾遂與申侯同伐周弑幽王襄公以兵救周有功然則西戎者乃周與秦不共戴天之讎也故平王命襄公為諸侯以討之曰討之者以天子命討君父之賊仗



大義而復世讎合天理而順人心矧秦人尚氣喜勇  
宜乎樂為之用也

小戎

錢淺

收五檠

木

梁輶

陟留

游環

脅驅陰

鞠鍤

沃

續文

茵

因

暢

敕亮

轂

谷

駕我騏

其

鼻

之

言念君子

溫其如玉

在

其板屋亂我心曲

戎國之大事也詩人謂之小戎學者求其說而不得  
乃謂元戎為大裨將為小且是詩方美其甲兵之盛  
乃捨元戎而獨論裨將豈理也哉竊意小戎名篇摘

取首章之語蓋論車之大小耳案考工記有兵車有田車有乘車至車人又有大車羊車柏車之異名釋者曰大車平地載任之車也詩王風有大車之篇易坤卦有為大輿之說皆謂乘車也乘車為大則兵車為小此小戎之說也小戎倭收者收軫也取收斂載物之義釋周禮者謂兵車之深四尺四寸而大車深八尺則兵車之軫比大車為淺故謂之倭收五檠梁輈者輈輈也車之有輈如屋之有梁故謂之梁輈五

繫者懼輶之不堅故五分其輶以皮束之其文歷錄  
故謂之五繫游環脅驅者以韋為環束服馬驂馬之  
外轡以其游於服馬之背故謂之游環以韋帶前繫  
於服馬之衡末後繫於服馬之軫以其當服馬之脅  
故謂之脅驅游環所以制驂馬之外出脅驅所以禦  
驂馬之內入如此則兩服齊首兩驂如手矣陰鞿蓋  
續者陰蔽也鞿韋帶也以板橫側車前及左右以陰  
蔽車軌故謂之陰以韋帶四各繫於驂馬之衡而兩之

故謂之鞞左氏曰兩鞞將絕是也續者鞞端之環也  
鍔者以白金灌沃之也故謂之鍔續文茵暢轂者以  
虎皮為車中之褥有文之可觀故謂之文茵釋名曰  
車中所坐也以虎皮為之有文采是也轂者衆輻之  
所湊釋周禮者謂兵車之轂長三尺二寸大車之轂  
尺有五寸則兵車之轂比大車為長故謂之暢轂  
我騏驎者說文曰青驪文如博棊曰騏爾雅曰馬右  
足白曰驤左足白曰驥言念君子溫其如玉在其板

屋亂我心曲者婦人閔其君子有德如玉之溫以征  
西戎之故在彼板屋思念亂其心曲也漢地理志曰  
天水隴西安定北地山多林木民以板為屋為西戎  
之居明矣

四牡孔阜六轡在手騏驎

留

是中騶

古

驪是驂龍盾

順

之合鑒以觶

古 納

言念君子溫其在邑方何為期胡

然我念之

四牡孔阜六轡在手者四牡即兩服兩驂言其壯也

四馬八轡駟馬兩內轡繫之觶軻在手六轡耳駟駟  
是中駟驪是駟者青驪如碁曰駟赤身黑鬣曰駟黑  
喙曰駟深黑曰驪以駟駟為中服以駟驪為外駟也  
龍盾之合者盾以木為之畫龍於上合而載之為車  
蔽也蓋以觶軻者說文曰觶環之有舌者軻之觶以  
白金為飾繫於軻前也言念君子溫其在邑方何為  
期胡然我念之者婦人閔其君子在西戎之邑以何  
時為歸期使我思念也

餞四孔羣公

求

矛鏐鏹

徒對

蒙伐有苑虎韞

亮

鏐鏹

魯

膺交

韞二弓竹閉緄

古本

滕

直登

言念君子載寢載興厭厭

於監

良

人秩秩德音

餞四孔羣者謂以薄金為甲以介馬詩曰駟介旁旁

左氏曰不介而馳皆謂馬當被甲也孔羣者言其甚

馴而可羣也公矛鏐鏹者矛有三隅謂之公鏹鏹以

白金謂之鏐曲禮曰進戈者前其鏹後其刃進矛戟

者前其鏹釋者曰銳底曰鏹取其鏹地平底曰鏹取

其鏹地蒙伐有苑者伐中干也蒙雜羽於上有苑然  
之文也虎韞鏤膺交韞二弓竹閉緄滕者韞弓室也  
以虎皮為之而以金鏤飾其膺也說文曰韞弓衣也  
膺胷也謂弓室之胷也爾雅金謂之鏤交二弓於韞  
中以竹為緄以繩約之也釋周禮者謂弓緄於緄者  
為發絃時備損傷也且引是詩為證而改竹閉為竹  
緄蓋竹閉乃緄弓之物加繩以約之也言愛護之至  
也言念君子載寢載載興厭厭良人秩秩德音者厭厭



祝其功名安而且久秩秩祝其功名有常不敗蓋秦  
能使民好戰不獨男子為然雖婦人閔其夫豈特欲  
其歸且祝其寢興無恙長保其功名此所以終能取  
周之地惜乎不能用周禮以矯揉其好戰之俗故卒  
以此亡然則小戎之詩在當時固可以為美在後世  
祇可以為戒歟是詩三章皆賦也

兼

古恬  
下同葭加下

刺襄公也未能用周禮將無以固其國

焉

秦襄公始受周命得為諸侯當用周禮以變戎狄之俗而後國可安也昔齊嘗問魯於仲孫湫曰魯可取乎對曰不可猶秉周禮周禮所以本也國將亡本必先顛而後枝葉從之然則秦不用周禮無其本矣何以固其國哉

蒹葭蒼蒼白露為霜所謂伊人在水一方溯蕪路下同洄下同

同從之道阻且長溯游從之宛在中央蒹葭淒淒白露

露未晞希所謂伊人在水之湄溯洄從之道阻且躋溯

游從之宛在水中坻

直尸

蒹葭采采白露未已所謂伊人

在水之涘溯洄從之道阻且右溯游從之宛在水中沚

蒹葭蘆也蒼蒼方盛貌淒淒則已成矣采采則可取

矣然必待霜而後堅實今露猶未霜露猶未晞露猶

未已以喻秦雖已為諸侯未能用周禮以變國俗詩

人知其無以固其本矣荀卿曰人無禮則不生事無

禮則不成國家無禮則不寧又曰從之者治不從者

亂從之者安不從者危從之者存不從者亡詩人以

水譬禮伊人謂彼國人也一方水之一隅也水草交  
曰渚水涯曰溪喻人必由禮惟禮為近人也逆流而  
上曰溯洄順流而涉曰溯游謂不以禮而治人則險  
而遠譬之逆流而上其道既阻且長言非易至也且  
躋言非登陟不能至也且右言非右助不能至也以  
禮而治人則易而近譬之順流而涉自一方而至中  
流自渚而至中坻自溪而至中沚可坐見其至也宛  
坐見貌詩人申言用周禮則民順而治民邦之本也

民順治則邦本固矣是詩三章皆比而賦之也

終南戒襄公也能取周地始為諸侯受顯服大夫美之  
故作是詩以戒勸之

序有能取周地之言案史記平王封襄公為諸侯曰  
戎無道奪我岐豐秦能攻殺戎即有其地十二年伐  
戎至岐而卒子文公立十六年以兵伐戎戎敗走遂  
收周餘民而有之然則襄公雖未能自取周地既有  
王命矣秦之大夫以王命為重故併受顯服而美之

以為秦自襄公已得周地且受侯服不曰美而曰戒  
勸正以周地雖有王命尚為戎有戒其無負天子之  
託而勸其必取也

終南何有有條有梅君子至止錦衣狐裘顏如渥丹

於角

其君也哉終南何有有紀有堂君子至止黻衣繡裳

佩玉將將七壽考不忘

羊

終南一名中南周之名山也條槲梅栲也紀者道之  
經理也堂者地之寬平也有條有梅則材木可用也

有紀有堂則形勢可居也詩人謂岐豐之地其美如此而襄公以王命而得之又受諸侯之顯服錦衣則狐裘以裼之黻衣則刺繡於裳顏如渥丹其君也哉謂其容貌之盛足以稱人君之位也佩玉將將壽考不忘謂其佩服之美終身不可忘周之賜也一篇無非戒勸之意而卒章一語尤為切至蓋戒之無忘乃勸之必取也是詩二章皆賦也

黃鳥哀三良也國人刺穆公以人從死而作是詩也案

左氏傳魯文公六年秦伯任好卒以子車氏之三子  
奄息仲行鍼虎為殉皆秦之良也國人哀之為之賦  
黃鳥說者曰殺人以葬環其左右曰殉不刺康公而  
刺穆公是穆公之命三子自殺也死不為義無足美  
者可哀而已

交交黃鳥止于棘誰從穆公子車奄息維此奄息百夫  
之特臨其穴惴惴其慄彼蒼者天殲子廉下同我良人如可

贖今人百其身交交黃鳥止于桑誰從穆公子車仲行



戶維此仲行百夫之防臨其穴惴惴其慄彼蒼者天殲  
郎維此仲行百夫之防臨其穴惴惴其慄彼蒼者天殲  
我良人如可贖兮人百其身交交黃鳥止於楚誰從穆  
公子車鉞虎維此鉞虎百夫之禦臨其穴惴惴其慄彼  
蒼者天殲我良人如可贖兮人百其身

黃鳥倉庚也交交飛而往來之貌此鳥羽毛聲音可  
愛以譬人之良也然必出自幽谷遷于喬木乃得其  
所今止于棘止于桑止于楚皆卑飛趣下必為人所  
捕失其所矣以譬三良志趣卑下以國之良不能與

社稷存亡而輕於殺身以從其君將死既亂之命特可哀耳不足尚也百夫之特謂特出於百夫也百夫之防謂可以當百夫也百夫之禦謂可以敵百夫也國人呼天以哀之以為秦失此三子善良幾至殲盡至欲以百身贖之夫國人之情悲切如此使康公亦如國人必有道以止之奈何略不動心黃鳥之詩既作於康公之時不敢斥言其君而康公之失亦隱然見之言外矣是詩三章皆比而賦之也

晨風刺康公也忘穆公之業始棄其賢臣焉

序言忘穆公之業始棄其賢臣則此詩乃穆公之舊臣謂穆公待賢之禮厚而康公即位未幾即棄其賢臣也觀穆公尚能使三良從死以見終身待賢之不薄晨風詩上皆言待賢下皆言棄賢也

飲

尹橘

彼晨風鬱彼北林未見君子憂心欽欽如何如何

忘我實多

晨風鷖之類北林必鬱積茂密而後鳥之迅疾如晨

風者歸之喻康公初待賢有禮故賢者仕其朝以晨  
風比賢者亦取其去來之速待之有禮則來歸禮衰  
則去矣君子指賢臣也謂康公之初即位也望賢臣  
之來而未得也憂心欽欽而不敢忽今乃棄賢不用  
故歎其如何如何忘我賢臣實多也

山有苞櫟

盧狄

隰有六駮

邦角

未見君子憂心靡樂

洛下

如何

如何忘我實多山有苞棣  
梯隰有樹檟未見君子憂心  
如醉如何如何忘我實多

詩人言山必以隰配猶言山上山下也苞叢生也山則有叢生之柞櫟隰則有六駮之梓榆山則有叢生之唐棣隰則有植立之楊槎櫟也棣也槎也訓釋易曉惟梓榆皮青白駮犖故謂之六駮蓋駮如馬鋸牙食虎豹取其皮之相似必以六言意獸三為羣六則非一羣言木之叢生望而視之亦若獸之羣聚其文駮犖也詩人謂康公初待賢有禮故賢者之立其朝如木之在山隰其材皆可以備器使申言康公即位

之初憂賢臣之未得至於靡樂至於如醉今何遽至於棄我也由序之言求詩之意康公不能念穆公之業可槩見矣是詩三章皆比而賦之也或曰駁謂之六疑別有義然詩人比興如綬草與綬鳥同名之類則名木以獸風人之辭也

無衣刺用兵也秦人刺其君子好

呼報

攻戰亟

敗異

用兵而

不與民同欲焉

此康公之詩也康公以魯文公七年立是年即與晉

人戰於令狐十年又伐晉十二年又與晉人戰於河  
曲十六年又與楚人滅庸康公征伐之事見於春秋  
經傳者如此所謂好攻戰而亟用兵為可考矣然襄  
公征伐不休則詩人美之謂其有王命而復世讎是民  
之所同欲也康公征伐出於修怨逞忿且無王命豈  
民所欲哉詩人再三以王於興師言之深譏其征伐  
不自天子出也序言刺其君子蓋指其君臣皆好戰  
也

豈曰無衣與子同袍王于興師修我戈矛與子同仇豈  
曰無衣與子同澤王于興師修我矛戟與子偕作豈曰  
無衣與子同裳王于興師修我甲兵與子偕行

袍上服也雜繭絮為之澤褻服也如汗衫之類裳下  
服也如袴褶之類皆軍衣之不可闕者古者用兵君  
民同其甘苦故服亦謂之均服今康公以私意用兵  
非有王命民所不欲故假衣服為言謂我雖有衣與  
君子同而其欲不同不直言不同欲亦譎諫之義也



謂苟有王命興師我當修戈矛修矛戟修甲兵同為  
仇敵皆作而行矣詩人之言得春秋尊王之義聖人  
有取焉是詩三章皆賦也

渭陽康公念母也康公之母晉獻公之女文公遭麗

力馳

姬之難

旦乃

未反而秦姬卒穆公納文公康公時為太子

贈送文公于渭之陽念母之不見也我見舅氏如母存  
焉及其即位思而作是詩也

康公即位猶能作是詩既而遂脩晉怨有令狐之役

所謂念母之良心安在哉竊意康公為太子贈送晉  
文公見舅而念母有不可誣者即位未幾而脩怨則  
私欲既勝良心遂喪序詩者本前日康公見舅念母  
之意而詳言之以見康公之始終如此曰我見舅氏  
如母存焉亦述康公前日之意非後日之意也秦自  
穀之敗遂絕昏姻之好為仇讎之國使康公終能念  
母釋舊怨而脩新好則秦晉之兵可息矣

我送舅氏曰至渭陽何以贈之路車乘

成證

黃我送舅氏

悠悠我思何以贈之瓊瑰古同玉佩

秦是時都雍曰至渭陽者謂東行送舅氏於咸陽之地既欲贈之以車馬以為未足以止我悠悠之思又欲贈之以佩服此皆康公念母之切故欲厚贈於舅氏有加而無已也周禮巾車金路以封同姓象路以封異姓革路以封四衛木路以封蕃國皆諸侯也故諸侯之車可以謂之路車也乘黃謂四馬皆黃也瓊玉之赤者瑰石之次玉者謂以瓊瑰為佩也皆形容

欲厚贈之意耳康公為太子豈能真有是贈邪及其即位思而作是詩此乃康公之初心使康公能推是心不為私欲所移則不復為令狐之役矣是詩二章皆賦也

權輿刺康公也忘先君之舊臣與賢者有始而無終也權輿與晨風皆穆公之舊臣謂康公其初待之有禮未幾待賢之意遂衰蓋公之用賢亦猶見舅氏而念母皆有始無終也

於我乎夏屋渠渠今也每食無餘于嗟乎不承權輿於  
我乎每食四簋今也每食不飽于嗟乎不承權輿

詩人吟詠有始終指一事為言如緇衣始終言緇衣  
羔裘始終言羔裘之類也此詩始終言飲食蓋人君  
禮貌其臣意之厚薄即是而可卜是以膳肉不至而  
孔子行醴酒不設而穆生去康公始待賢者為具之  
盛有如夏屋渠渠高廣貌今一旦待之殊薄其食僅足  
耳其始有黍稷稻粱之四簋今一旦使之食不能飽

禮貌之衰有如此者所謂不承權輿也權為衡之始  
輿為車之始康公不能承其始則賢者去矣說者謂  
屋則立之先君食則受之今君是以夏屋為賢者所  
居之屋也且禮貌衰而飲食薄則有之矣決無奪屋  
之理春秋左氏傳謂有酒如澠有肉如陵有酒如淄  
有肉如坻昔人尚以山川比飲食則況以夏屋不為  
過也是詩二章皆賦也

詩補傳卷十一

欽定四庫全書

詩補傳卷十二

宋 范處義 撰

國風

陳

陳帝舜之胄有虞閼父者為周武王陶正豈以河濱之故習歟武王封閼父之子媯滿於陳都宛丘之側與宋杞以備三恪妻以元女大姬封域在禹貢豫州之東大姬無子好巫覡禱祈鬼神歌舞之樂民俗化



之至五世幽公當厲王之時淫荒無度變風始作次秦之下亦以其昏亂虞之故家遺俗無復存者誠秦之不若也

宛丘刺幽公也淫荒昏亂游蕩無度焉

人君之游豫苟有益於民如春省耕而補不足秋省斂而助不給乃民之所望固為善也其次能與民同樂如田獵鼓樂民見羽旄之美聞鍾鼓之音欣然有喜色抑其次也今陳之幽公以淫昏之故游蕩無度

國人歌詩以刺之諷味其言備見一時鄙厭之意此  
國人之情也

子之蕩

他浪

兮宛丘之上兮洵

荀

有情兮而無望兮坎

苦感

下同

其擊鼓宛丘之下無冬無夏值

直置下同

其鷺羽坎其擊缶

有方

宛丘之道無冬無夏值其鷺翮

導

宛丘在成都之側自為地名說者或以為中央下或  
以為中央高既曰宛矣固不得為高也或言上或言  
下或言道據所見云爾幽公始而游於宛丘民猶有

望也既而屢出蕩而忘反則民信其止為情欲耳無復可望如古人之游豫也故聞其擊鼓擊缶之聲見其驚羽驚翹之舞第若可厭鄙耳無復有欣欣之喜也鼓以革為之缶則土鼓也易言不鼓缶而歌史言請秦王擊缶坎者擊鼓之聲也驚羽一名翳舞者所持以指麾也翹即羽也冬夏猶言寒暑無時不相值也幽公游蕩不避寒暑使國人無時不值於宛丘則人情之鄙厭不言而喻矣是詩三章皆賦也一說幽公游蕩信有情欲耳而無令望也亦通

東門之枌符云下同疾亂也幽公淫荒風化之所行男女棄

其舊業亟欺會於道路歌舞於市井爾

幽公荒淫宛丘刺之此詩疾之刺之者刺其君不能  
正之於上也疾之者疾時人胥倣之於下也男女不  
服舊業亟會於道路歌舞於市井則無恥之甚也無  
恥故可疾也

東門之枌宛丘之栩況子仲之子婆娑素何下同其下穀旦

于差南方之原不績其麻市也婆娑穀旦于逝越以駿

子邁視爾如萩祁饒貽我握椒

東門即去宛丘之道路也粉也朮也即道路間之木也婆娑盤旋歌舞之貌子仲氏之子既先往於東門之下則南方原氏之女亦不復績麻而往會之舉二氏之男女為言則下此者可知矣古人姓氏幸而存於經不得而廢也如丘中有麻之留氏如桑中之姜氏弋氏庸氏皆其類也或謂南方之原為南方之原野則於文義有礙且宛丘既自東門而出則在東而不在南矣必

無出東門而往南方之理意謂南方原氏之女未會  
於東門之市井耳況春秋莊公二十七年有公子友  
如陳葬原仲之事則原為陳大夫何疑之有二章言  
穀旦于差謂差擇吉日以為期也三章言穀旦于逝  
謂期日已至而遂往也越以駸邁駸之為言總也謂  
於是總往於所會之地也苕芘芣也苕取其華之色  
椒取其氣之芬此男女相贈之物也是詩三章皆賦也  
衡門誘酉僖公也愿願而無立志故作是詩以誘掖其

君也

陳小國也僖公天資慤愿僅能自守耳豈能抗志以有立哉故詩人欲誘道扶持使之卓然奮起有為於國不至安於卑陋而遂止也然是詩之體頗異衆作一章正言其愿而無立二章三章皆誘掖之辭也

衡門之下可以棲遲泌

悲位

之洋洋可以樂

洛飢

衡門謂橫木為門其規模淺陋無帡幪之可託今乃遊息於下自以為安泌始流之貌言其洋洋漫流無

波瀾之足觀今乃游泳其間自以為樂蓋安則棲遲  
而不去樂則忘飢而廢食以喻僖公之性安於卑陋  
而無立志也

豈其食魚必河之魴

房

豈其取

娶

妻必齊之姜豈其食

魚必河之鯉豈其取妻必宋之子

先儒謂洛鯉河魴貴於牛羊則魴鯉乃魚之美者齊  
姜姓宋子姓姜子乃女之貴者食魚當求魴鯉取妻  
當求姜子皆誘以大而起其志蓋圖王不成猶可以



伯安於卑陋則陳止於陳耳惜乎僖公不足以進此  
亦猶孟子語齊宣以王道自謂吾惛不能進於是  
也是詩與甫田皆視其君之失而正救之齊襄公志  
大心勞所謂過也詩人則抑之陳僖公愿而無立志  
所謂不及也詩人則誘之孔子曰求也退故進之由  
也兼人故退之孰謂詩人之正救其君不與聖人教  
人之意同學與政果無二致也是詩三章皆興也  
東門之池刺時也疾其君之淫昏而思賢女以配君子

也

凡詩言刺時蓋指一時之事或指其君或指其臣民  
是詩之序明言疾其君之淫昏必其君有淫行如衛  
宣公之類不然何以遽加以疾之一字蓋疾近於惡  
如衛宣公之類直可惡矣無復可正救陳君之淫昏  
詩人猶思得賢女以配之雖由其心之愛君亦其君  
之資質猶可與為善也

東門之池可以漚

烏豆下同

麻彼美淑姬可與晤

五故下同

歌東

門之池可以漚紵彼美淑姬可與晤語東門之池可以

漚管

古

彼美淑姬可與晤言

陳風三詩皆言東門蓋指所見以起興也水性至柔池有防限賢女之喻也漚久漬也麻也紵也管也必得水之久漬乃可治以為用以喻君子必得賢女相與漸染可以成德也晤欲明也賢女於君子凡笑歌言語之際亦有以曉悟之故其聽之也熟而入之也深如齊雞鳴蓋於夙夜卧起之際有相成之道亦此

之類也是詩三章皆比而賦之也

東門之楊刺時也昏姻失時男女多違親迎魚敬女猶有

不至者也

是詩刺當時昏姻以有故而失時則男女多殺禮不復能如古之親迎今幸已有成約而女復有異志而不至亦由於上之人淫昏有以化之故也

東門之楊其葉牂牁子桑昏以為期明星煌煌東門之楊

其葉肺肺

普貝

昏以為期明星晳晳

世

東門之楊葉雖牂牁肺肺而盛然漸至於凋落耳喻  
男女已失嫁娶之時及今猶可以昏姻乃復男行而  
女不隨既有成約期以吉日之昏暮可以行禮今夜  
已鄉晨啓明之星煌煌晢晢而女猶不至則又不能  
踐約矣正如東門之楊竟至衰落是誠可刺也昏姻  
取幽陰之義故行禮用昏暮古今皆然是詩二章皆  
比而賦之也

墓門刺陳佗也陳佗無良師傅以至於不義惡加於萬

民焉

案春秋在氏傳魯桓公五年陳侯鮑卒謂陳桓公也於是陳亂文公子佗殺太子免而代之公疾病而亂作國人分散佗桓公之弟也桓公卒而佗立明年為蔡人所殺佗當桓疾病殺太子而以已代之可謂不義陳由是亂國人至於分散所謂惡加於民也詩人刺之以佗之不義由於無良師傳蓋以恕待之謂其實質可與為善可與為不善視師傳之賢否如何耳

序詩者不以為君直言陳陀蓋得春秋不稱爵書蔡人殺陳佗之旨與書衛州吁鄭忽同也使詩序不經聖人之手孰敢竊春秋之法書三君之名哉

墓門有棘斧以斯

所宜

之夫也不良國人知之知而不已

誰昔然矣墓門有梅有鵲萃

徂醉

止夫也不良歌以訊之

訊予不顧顛倒思予

佗無良師傅非可以責佗父兄當任其咎也無賢父兄則無良師傅使佗之父兄能知古人教世子之道

則佗其庶幾矣棘也梅也皆有實之可食喻佗可與  
為善也不幸生於墓門則非其地喻其無賢父兄也  
斯離析也鴉惡鳥也棘與梅既生非其地則或為斧  
斤之斯析或為惡鳥之棲萃則不足為美矣喻其無  
良師傅與之相處遂戕其性而染其惡也故詩人於  
首章原其所自則曰師傅之不良國人且知之佗之  
父兄豈不知之而不能去之乎此向者誰使之然哉  
蓋責其父兄也於卒章要其所終則曰師傅之不良



予既歌以訊告於佗矣苟不顧予之訊以至顛倒而後思予之言亦何及哉蓋責佗也佗之惡亦甚矣而詩人待佗為甚恕既追咎於師傅又冀佗之悔悟忠厚之至也是詩二章皆比而賦之也

防有鵲巢憂讒賊也宣公多信讒君子憂懼焉

古者謂讒人必曰讒賊蓋其巧發竒中甚於以刃殺人彼以刃殺人者人得以禦之而善為讒者譟張為幻足以惑亂是非陰被中傷者皆不知為計以是言

之甚於以刃殺人者矣況為宣公者多信其言不能  
考察此君子所以憂懼也夫所貴於考察者亦有理  
之可據理之所必無者諛人以為有何足信哉是詩  
二章皆據理之言也

防有鵲巢

其恭下

有旨苕

徒

誰旃

陟

予美心焉忉忉中

唐有甕

蒲歷

卬有旨鵲

五歷

誰旃予美心焉惕惕

吐歷

鵲必依大木為巢為防以止水必無大木安有鵲巢  
陵苕生於下濕卬高仰之地必無潤澤安有美苕中

唐在堂塗之間人朝夕所埽除必無瓠瓠旨鵲綬草也  
與陵茗性相類亦叩之所必無而讒者皆以為有彼  
好聽者遽信之何哉俯壅蔽也蓋予雖有美為讒言  
所壅蔽所以始則忉忉而憂終則惕惕而懼也是詩  
二章皆興而賦之也

月出刺好

呼報下同

色也在位不好德而說

悅

美色焉

在位之人化其君之淫昏惟女色是好則其志荒矣  
序詩者以不好德而說美色發之蓋以責在位為卿

士大夫者當知禮義廉恥豈與庶民無知惟上所化  
邪故以不好德刺之若為庶民而作則直言其淫亂  
耳

月出皎兮佼

古卯下同

人僚

兮舒窈

鳥了

糾

其趙了

兮勞心悄

七小

兮月出皓

胡老

兮佼人憫

力久

兮舒懷

於久

受兮勞心忉

七老

兮

月出照兮佼人燎

力召

兮舒天

於表

紹兮勞心慘兮

齊風以東方之日東方之月喻君臣此詩止刺在位

故以月出言之晝欲有所為則夜必有所思月之始

出皎潔皓白光照萬物在位之君子能於此時思其  
政則為好德矣今乃思佞好之人欲舒我之憂思而  
不可得至於我心之勞則好德不如好色誠有愧於  
月之象矣傳曰政如農功日夜思之周公亦仰而思  
之夜以繼日此皆好德之思也陳之諸臣何足與語  
此僚兮憫兮燎兮皆好貌窈糾憂受天紹皆憂貌悄  
兮慙兮慘兮皆勞貌諸國方言多不同未易以一義  
求也是詩三章皆賦也

株

陟朱下同

林刺靈公也淫乎夏戶雅姬驅馳而往朝夕不休

息焉

陳靈公與夏姬亂至與其臣相戲於朝又驅馳而往  
朝夕不休息其無忌憚之甚殆與疾驅於通道大都  
者無以異國人刺之其辭比他詩為迫切奈靈公無  
羞惡之心何

胡為乎株林從夏南匪適株林從夏南駕我乘繩馬說  
稅于株野乘我乘駒朝食于株

株不必為邑名殆夏姬所居之地也國人正辭以詰之曰何為乎株林豈欲與夏南相從乎若非往株林與夏南相從何故駕乘馬而說乎株野乘乘駒而朝食于株乎憂君之意切故其辭亦切也不斥夏姬而言夏南固嫌於褻然夏南實主其家國人亦豫憂其禍必作於夏南也是詩二章皆賦也

澤陂

被皮下同

刺時也言靈公君臣淫於其國男女相說憂

思

息嗣

感傷焉

序詩者言君臣淫於其國蓋指靈公與孔寧儀行父之事其下化之至於男女相說憂思感傷說者謂東門之粉宛丘之應澤陂株林之應信乎上有好者下必有甚焉者矣

彼澤之陂有蒲與荷有美一人傷如之何寤寐無為涕

弟他泗四滂普沱徒何彼澤之陂有蒲與蘭古有美一人碩


大且卷員寤寐無為中心悁悁烏彼澤之陂有蒲萋戶

葛大有美一人碩大且儼寤寐無為輾張轉伏枕



澤者水之鍾也陂者水之障也蒲苻離也苻芙蕖之  
葉也蘭蘭草所謂澤蘭也菡萏芙蕖之華也皆澤陂  
所有之物也蒲以喻男子苻取其葉之穉蘭取其氣  
之芬菡萏取其色之麗皆以喻女子詩人以蒲配荷  
以蒲配蘭以蒲配菡萏所謂男女相說也蓋淫風之  
行由於男子無剛德柔從於人若蒲然故年之穉者  
則取之氣之芬者則取之色之麗者則取之其未得  
之也則既思其人而感傷又思其人髮之卷又思其

人貌之儼寤寐之間不復他有所為或涕泗俱下或  
悵悵憂感或輾轉廢寢此皆合男女之情而言之詩  
人言其情而不及於亂亦欲其止於禮義也是詩三  
章皆比而賦之也



詩補傳卷十二

欽定四庫全書

經部

詩補傳卷十三至  
六

臣 永瑤恭校

通政使司副使臣莫瞻菴覆勘

覆校官博士臣劉光第

校對官助教臣羅萬選

膳錄監生臣彭良箴

欽定四庫全書

詩補傳卷十三

宋 范處義 撰

國風

檜

檜高辛氏火正祝融之墟鄭語云祝融之後八姓惟  
妘姓檜者處其地案世本會人即檜之祖會人者祝  
融之弟吳回生陸終陸終生子六人其四曰會人也  
王肅曰周武王封祝融之後於濟洛河潁之間為檜

子鄭氏詩譜云國在禹貢豫州外方之北滎波之南  
居溱洧之間鄭語云史伯於幽王之世為桓公謀滅  
虢檜然則檜之變風又作於幽王之前明矣國小而  
迫其君則廢禮於衣服其民則廢禮於三年皆首亂  
先王之制陳雖淫昏未始有此宜居陳之次也

羔裘大夫以道去其君也國小而迫君不用道好潔其  
衣服逍遙遊燕而不能自彊於政治故作是詩也

作羔裘之詩者檜之賢大夫也何以知其賢由其序

而知之也大夫自謂以道去其君又謂其君不用道而詩之三章止言衣服之非禮與既去而思君諸儒多謂大夫不欲言君他過止及衣服有合於孔子以微罪行既去而思君有合於孟子三宿出晝此說固善竊以為猶未盡詩人之意夫先王之禮道之所寓也禮既廢矣道安在哉案王制革制度衣服者為畔畔者君討以此見先王之制禮甚重於衣服也故討之而不敢緩歷觀變風列國之君過失多矣而先王

之禮寓於衣服者莫敢廢也其民化之亂亦甚矣而先王之禮通喪三年者莫敢廢也檜之君首亂於衣服燕居與視朝輕為變易此廢禮之大者賢者蓋於此而窺之知吾道決不可行所以去之若夫既去而思為厚之至則誠如諸儒之論其後民俗視君衣服之變易以為固無害於事是以亦輕變三年之禮素冠不服可見悖天理而斁人倫皆原於君之廢禮序詩者體詩人忠厚之意婉其辭曰好潔其衣服逍遙



遊燕而不能自彊於政治誠使不廢先王之禮雖好  
潔衣服逍遙遊燕未為過之大者賢者豈忍遽去其  
不能自彊於政治亦詩之所不及然視其道遙遊燕  
則不能自彊可知矣所謂言不盡意者如此董仲舒  
有言事在彊勉而已彊勉行道則德日起而大有功  
檜之君不能自彊於政治是不能彊勉行道也故曰  
君不用道

羔裘逍遙狐裘以朝直豈不爾思勞心忉忉刀羔裘綈

翔狐裘在堂豈不爾思我心憂傷羔裘如膏古報日出有曜豈不爾思中心是悼

緇衣羔裘此視朝之服也狐貉之厚以居此燕居之服也今以羔裘逍遙而燕居以狐裘而視朝可謂顛倒矣人君顛倒於衣服輕變先王之禮舉此心以往何所不至哉君子見幾而作所以去也次章言翔翔不特燕居又服羔裘以遨遊矣言在堂則不特視朝又服狐裘於正寢矣卒章言羔裘如膏日出有曜則

又不復見其視朝在堂第見其羔裘以遊燕其色之  
澤日照之有曜亦以好潔故也賢者不忍忘君故再  
三言豈不爾思始而勞中而憂卒而悼也孔子必朝  
服而朝月朔然後服之國家無道則不充其服焉檜  
之君何足以語此孔子去魯曰遲遲吾行去父母國  
之道也檜之大夫可謂得去父母國之道矣是詩三  
章皆賦也

素冠刺不能三年也

三年通喪自過密載於舜典亮陰載於說命孟子亦有舜禹三年之說三代之衰世多僻王斯禮未之有改也漢之文帝始有短喪之制而景帝遂行之為王者廢禮之罪首至諸侯之禮不知何自而變孟子為滕文公定為三年之喪而父兄百官皆不欲曰吾宗國魯先君莫之行吾先君亦莫之行也然則諸侯廢三年之禮其已久矣於檜何責焉曰檜不能三年非謂其君謂其民也為君者則有辭矣曰亡國常於斯

得國常於斯然是非君子之言舅犯辭以闢之以為  
為利也蓋王者則有冢宰百官總已以聽焉周公攝  
政足為後世法國獨無卿乎何至廢先王之禮也案  
明堂位曰成王幼弱周公踐天子之位以治天下然  
則周公止踐履其位而行其政耳非實居天子之位  
也可謂居攝之得體矣以是知成王居喪已即位幼  
弱未能蒞政故周公攝其政非攝其位也周頌言成  
王即政以明即位久矣若諸侯以先君之命而即位

終三年之喪而後泣政其誰曰不可至於民則自檜  
以前未聞其廢是禮也宰我嘗有期之間聖人深罪  
之既曰食夫稻衣夫錦於汝安乎又曰予之不仁也  
予生三年然後免於父母之懷予也有三年之愛於  
其父母乎聖人之言本諸天理切於人心萬世之下  
聞斯言也苟有血氣者莫不感動檜之民獨何人哉  
習見其君之廢禮遂失其本心是誠可刺也

庶見素冠兮棘人樂樂

力端

兮勞心博博

徒端

兮庶見素衣

兮我心傷悲兮聊與子同歸兮庶見素韞畢兮我心蘊  
粉於結兮聊與子如一兮

素冠者練冠也十有三月而練素衣者冠既練而衣  
亦練也素韞者大祥祭服之韞也檜之民不能三年  
則期而練大祥而禫祭皆不復講也棘急也謂居喪  
皇皇情急故曰棘人藥藥瘠貌惻惻憂貌傷悲感傷  
而悲也蘊結積而不解也詩人庶幾見冠服之素毀  
瘠之人而不得見所以惻惻而憂感傷而悲積而不

解也使得見之則欲與我同歸與我為一謂人心同  
然實不相遠果能素冠而毀瘠乃我輩人也故曰同  
歸曰如一也嗚呼禮失則求諸野庶民士夫由檜以  
來至於今日雖貧富不同而禮有厚薄然三年之喪  
言於口而行於身不敢過也不敢不及也豈以聖人  
既存檜詩又罪宰予足以長其善救其失有功於後  
世歟況齊斬功總載之令甲居喪違禮議罪有差為  
天下國家者亦知重其禮矣獨王者之身自漢文帝



以下惟晉武帝魏孝文周高祖斷然行之然晉武帝  
為議臣所惑為禮不備魏孝文禮雖粗備而服非其  
服周高祖雖衰麻苦塊卒三年之制而通喪止行於  
五服之內不及臣下又在喪頻出遊幸無急冠而興  
師伐鄰皆不合於禮唯國朝祖宗以來宮中實行三  
年之制至壽皇聖帝執喪三年禮無違者然則自漢  
以迄于今始復唐虞三代之舊遂為家法甚盛舉也  
是詩三章皆賦也

隰有萇

文

楚疾恣

利

也國人疾其君之淫恣而思無情

慾者也

檜之君淫佚放恣故國人疾之思為君而無情慾之

累誠可樂也

隰有萇楚猗

於可

儺

乃可

其枝天

於驕

之沃沃樂

洛

下同

子之無知隰有萇楚猗儺其華天之沃沃樂子之無家

隰有萇楚猗儺其實天之沃沃樂子之無室

萇楚鉞

音

弋也此物始生猶能自立及長過尺則引

蔓於草上以喻人君少而無情慾似可以立事既長  
溺於所愛則放恣無檢束故國人思之不欲斥其君  
借萋楚為喻謂萋楚之為物至有枝有華有實之時  
則猗儺柔弱不能自立不若始生之初夭夭然少壯  
沃沃然潤澤喻其君之淫恣曾不如未有知未有室  
家者為可樂蓋厭其所為所以疾而思之也是詩三  
章皆比而賦之也

匪風思周道也國小政亂憂及禍難旦而思周道焉

周之盛時衆建諸侯使小事大大庇小有相侵伐者  
命方伯連帥以正之故諸國不失分地庶民保其生  
業今檜小國也政亂而民不安其居惴惴然惟恐大  
國之吞并故思周建國親侯之道而賦是詩案檜在  
幽王之世為鄭所滅此其將亡之詩乎

匪風發兮匪車偈

起

兮顧瞻周道中心怛

都

達兮匪風飄

符

遙兮匪車嘌

匹

遙兮顧瞻周道中心弔兮誰能亨

普

魚漚

古

愛之奎鶯

尋

誰將西歸懷之好音

發兮搖動貌倡兮軒輕貌迴風曰飄無節度曰漂非  
風而飄搖不寧非車而軒偈無度喻人居亂世如在  
風中車上其不遑安處之狀有如此者顧瞻周室冀  
有道以正之使無滅亡之禍其思望之極至於中心  
傷怛而相弔此將亡之辭也卒章所望於周室者尤  
為切至曰誰能享魚乎我以漑滌釜鬻以待之矣此  
望周室之治其國去其擾也誰能將我而歸周乎我  
已懷思其好音矣此望周室之救其亂而安其民也

是時周末東遷故曰西歸周亦在檜西也是詩三章  
皆比而賦之也

詩補傳卷十三